

مجموعه سنون

۱۸

جمعیت علمیه عثمانیه

ایکینچی پنه

نومرو ۴۱۴

صفر

استانبول

جمعیت علمیه عثمانیه مطبعه سنده طبع اولنمشدر

۱۲۸۰

طریق دخی حصول مطلبه کافی کی کورینور ایسده
 حرکاتک حروفدن منفک اوله رق کلماتک زیر و بالا سنده
 بولیتقی اشاعی و یا خود یوقاری سطره متعلق اولدینی بیلنه میدرک
 تشویش ذهنی مؤدی اوله جنی مثالوهم حروفده و همده زیر
 و بالا سنده کی حرکاته صرف افکار ایله خیلی زحمت چکیله جکی
 شویله طور سون هله طباعت خصوصنده فوق الغایه مشکلاتی
 دعوت ایده جکی امور واضحده دندر . فقط شق ثانیده شو تکلفات
 و مشکلاتک هیچ برسی اولوب کک او قویوب یازمق و کک
 کتاب باصق ایچون بونک بالوجه رجحانیتی باهردر .
 اصول جاریه کاتبه براز بعد جه کورینان شو قاعده نک موقع اجرایه
 قونیه رق حقنده قبول عامه استحصالی و ادمشکله دن اولوب بوباید
 موانع عظیمیه تصادفی اولنه جنی بی اشتباه ایسده اصحاب عقل سلیم
 شو اصولک فوائد و محسنات بی نهایت سنی تسلیم ایدرک درکار اولان
 محاذ یریه برابر حسن قبول و اتخاذنه تردد اتمیه جکری مجزومدر .
 و بواسول اوزره الف باجزولی و بعض کوچک کتاب و رساله ل
 طبع و نشر اولدینی و بعض مکتبلرده چوچقاره او قردیلوب تأثیرات
 سریعه و حسنه سی اکلا شلدینی حالده مرور زمان ایاه جله
 عندنده منشر و مقبول اولسی مأمولدر .

(خلاصه یولیتقیه)

لهستان

انکلتیه و فرانسیسه و اوستریا دولتری طرفدن ابکتی دفعه اولق

ارزوه التي ماده فی شامل روسیه دولته اجرا اولسان تبلیغاته دولت مشارالیهها جواب رد اعطا ایلمش و بونک عموماً اوروپاچه زیاده سو تأثیری اوله رق مخبارات رسمیه مک نهایی اولیق اوزره بودفعه دخی ینده دول ثلثه طرفدن روسیه دولته بشقه بشقه تبلیغات اجرا قلمشدر . فقط روسیه درلنک بو مسئله حقنده اتخاذ ایتدیکی پولیئیه و تشبث ایلدیکی تدارکات حرییده نظراً بودفعه دخی صورت موافقت کوستراماسی اغلب احتمالات اولدیغندن بو تقدیرده لهستان مسئله سنک صورت مصلحانه ده حلی ممکن اراهیوب درل ثلثه ایلله روسیه لوبیننده حرب وقوعی انتاج ایده جکندن خوف اولمقده در .

لهستان حکومت خفیه سی مملکتک هر طرفنده ویرکوالیق وعسکر بحریر ایتک مثلاًو عاداتا بر حکومت منتظمه ظاهره صورتنده اجرای احکام ایتکده اولوب حتی بکسلرده بر رسمی غزیه دخی احداث ایلمش اولدیخی حالده روسیه دولتی شمدیه قدر بونک اعضاسی کیلر اولدیغنی وزده تجمع ایتدکارینی تحقیقه مقدر اوله مامش و حکومت خفیه مذکورنک توجهله اوامرینی انفاذ وتهیداتی ایقاع ایلدیکی حقنده اینانلیه جق درجدرده وقوعات غریبه روایت اولمقده بولنشدر .

یونانستان

دائماًرقه خاندان قراپسندن یونان قرالی انتخاب اولسان پرنس یورکی سلفی مثلاًو یونانستان قرالی نامنی المیوب الینوزلر قرالی عنوانیله معنون اولسنه قرار ویرلشدر . مشارالیه اولا لوندریه وبعده

پارس و بروکسله کيدرك حکمدار لر يله ملاقي اولدوقدن صکره طولوندن بريونان فرقتبنده راجا ايلول اوخيرينه طوغري پايتختي اولان آتنديه مواصلت ايده جکدر . مشار اليه سلفي کي مناصب دولته هم شهر يلرندن آدم استخدام ايتيوب منشار مقامنده معينده اسحاب درايټ و اهليټدن قونت اسپونک اسمنده يالکر بردا تيارقه لو بولنده جق و وکلای دولت کافه يونانلو اوله جقدر .

انکلتريه دولتي جزاير سبعة يي يونانستانه ترک ايده جکني قطعياً وعد ايلش ايسدده اول امر ده جزاير مذکوره اهالي سنک رأيي اکلا سلسنه قرار و يرلش اولغله کيفيت بوکونارده جزاير سبعة ملت مجلسنه عرض اولنه جق و يونانستانه التحاقه موافقت ايلدکري حالده اولبايده اوروپا دولترينک دخي رأينه مراجعت اولنه جقدر .

ممالك مجتمعة امر يفا

ممالك مجتمعة امر يقاده محاربه کاکان شدتله دوام ايتکده اولوب فقط محاربات اخيره ده اکتر يا شماللور غالب و جنوبلور مغلوب اولمشدر . بونک اوزرينه شمال اهاليسي ارتق حاجت قالمدي افکار يله مصمم اولان کلي عسکر تهر يرنندن صرف نظر اولنسي املنه دوشدکري مثلالو جنوبلور دخي مغلوبيت واقعه لرندن زياده متأثر اوله رق وار قوتلري يله مقاومت ايتک اوزره اون بش ياشندن قرق بش ياشنه قدر اولان اهالينک کافه عسکر تهر يرينه تشبث ايده جکلريني اعلان ايلشدر .

شماللور اللرينه کچن جنوب ضابطا نندن ايکي نفريني بغيرحق

قورشونه دیزمش اولمالریله بوکامقابله جنوبولور دخی عندلرنده
 بولان شمال اسراسندن قرعه کشیده سیله اسابت ایدن
 ایکی ضابطی صورت مذکوره ایله اعدام ایلدیلر .
 ممالك مجتمعه امر یقاده اسرای زنجیه استخدای اصولک
 بیک سکر یوزیتش الی سنه سنه یعنی بوندن اون اوچ سنه
 صکره بالکلیه لغواولمسنه والیوم سن طفولیتده بولان زنجیارک
 بکرمی بریاشنه وارنجیه قدر اسارتده قالارینه قرارویریلرک
 کیفیت بودفعه نیورقده اعلان اولمشدر . یالکز تحت اطاعتده بولان
 ممالك اها لیسنک بوندن ناشی دوچار اوله جقلری ضررلری
 قضین قلنه جقدر .

مکسیقا

مکسیقا جانبنده بولان فرانسه اردوسی مملکت مذکوره بی همان
 کاملاً ضبط واسلیلا وحتی پایتخت اولان مکسیقو شهرینه دخی
 دخول ایله فرانسه ایمپراطوری مکسیقای مملکتده الحاق ایتک
 نینده اولیوب بلکه براز وقتدنبروسوه اداره سندن ناشی انواع
 فتن وفساد ایقاعنه بادی اولان حکومت جمهوریه نک لغویله
 اهلینک مر ضبسنه مطابق بر حکومت عادله تشکیل ایتک مقصودنه
 بولندیخی اعلان قلمش اولمغه فرانسه عساکری اهای طرفندن
 فوق الغایه منظر حسن قبول اولمشدر . روایت اولندنمغه کوره
 اولسریا ایمپراطورینک برادری ارشیدوق مقسطلین اهای طرفندن
 قرال انتخاب اولمغه رقی مکسیقاده بر حکومت مشروطه تشکیل
 قلنه جقدر .